

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
04.09.2020թ. կայացված ԱՖ487325 որոշումն անփոփոխ, իսկ վարչական բողոքն առանց
բավարարման թողնելու մասին

<<09>> 10 2020թ. 7-13-

12744

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Վիլեն Զահուկյանի ՄԴ/141341-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Ավան վարչական շրջանի Հ.Հովհաննիսյան թաղամասի 27 շենքի 23
բնակարանի բնակիչ Վիլեն Զահուկյանը դիմումով խնդրել է բեկանել Ճանապարհային
ոստիկանության վարչական իրավախախտման վերաբերյալ գործով 04.09.2020թ. կայացված
ԱՖ487325 որոշումը՝ նշելով, որ համաձայն չէ որոշմամբ արձանագրված իրավախախտման
հետ: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ
չունի:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 04.09.2020թ. կայացված ԱՖ487325 որոշումը ենթակա է կատարման
հետևյալ պատճառաբանությամբ.

«Հ կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> 28.06.2007թ. թիվ 955-Ն որոշման հորիզոնական գծանշումներ բաժնի 1.1-ի
համաձայն՝ <<Հո՞ճ գի՞ծ, որը բաժանում է հանդիպակաց ուղղությունների տրանսպորտային
հոսքերը (առանցքային գի՞ծ), նշում ճանապարհի վտանգավոր վայրերում երթևեկության
գոտիների սահմանները և ցույց տալիս երթևեկելի մասի սահմանները, ուր մուտքն արգելված
է, ցույց է տալիս տրանսպորտային միջոցների կայանման տեղերի սահմանները>>: 1.3՝ չորս և
ավելի երթևեկության գոտի ունեցող ճանապարհներին բաժանում է հանդիպակաց
ուղղությունների տրանսպորտային հոսքերը (առանցքային գծեր):

Վարչական իրավախախտումների վերաբերյալ ՀՀ օրենսգրքի 124-րդ հոդվածի 2-րդ մասի
համաձայն՝ տրանսպորտային միջոցների երթևեկության հակադիր հոսքերն իրարից բաժանող
գծանշումների պահանջները չկատարելը առաջացնում է տուգանքի նշանակում՝ սահմանված
նվազագույն աշխատավարձի տասնապատիկի չափով:

Ուսումնասիրությամբ պարզվել է, որ 04.09.2020թ. ժամը 21:45-ի սահմաններում Երևան
քաղաքի Խոտյակովի փողոցում քաղաքացի Վիլեն Զահուկյանի վարած <<MITSUBISHI>>
մակնիշի 16UL936 հաշվառման համարանիշի ավտոմոբիլը կանգնեցվել է Ճանապարհային
ոստիկանության ՃՊԾ 1-ին սպայական գումարտակի 8-րդ սպայական դասակի տեսուչներ,
ոստիկանության կապիտան Ա.Հովհաննիսյանի և ոստիկանության ավագ լեյտենանտ
Ս.Ալեքսանյանի կողմից՝ ճանապարհային երթևեկության կանոնի խախտման համար, այն է՝
վարորդը հատել է հանդիպակաց (հակադիր) հոսքերն իրարից բաժանող գծանշումը:
Վարորդի նկատմամբ կազմվել է վարչական իրավախախտման վերաբերյալ արձանագրություն
և Վարչական իրավախախտումների վերաբերյալ ՀՀ օրենսգրքի 124-րդ հոդվածի 2-րդ մասի
համաձայն կայացվել ԱՖ487325 որոշումը:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Վիլեն Զահուկյանի կողմից կատարված իրավախախտումը հիմնավորող տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ487325 որոշումը: Միաժամանակ ոստիկանության ծառայողները հայտնել են, որ դիմումատուի կողմից ներկայացված լուսանկարներում չի արտացոլվում ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշմամբ սահմանված 1.3՝ հանդիպակաց (հակադիր) հոսքերն իրարից բաժանող գծանշումը, սակայն այն հստակ տեսանելի է եղել երթևեկության մասնակիցների համար, նշել են նաև, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 04.09.2020թ. կայացված ԱՖ487325 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Վիլեն Զահուկյանին և Ճանապարհային ոստիկանության ՃՊԾ 1-ին սպայական գումարտակ:



Ե. Կարապետյան